

Sena Ptol. *Sena Julia* Itinerariæ Tabulæ: vulgo *Siena*, Roma distans 10000 stadiis edito sita est loco, cis Ar-
biam, flexu sinuoso propter Montis dorsum, lateribus angustior & proclivior, tria habens quasi cornua:
quorum quod Meridiem spectat, latius est ijs, quæ ad Ortum sunt & Occasum. Cælo utitur benigno & sa-
lubri, nisi quod subinde noxiis infestetur ventis: Aerè temperatissimo. *Italia* delicias multi vocant Poetæ: Stra-
ta est *Sena* latere coctili, plateis recta & longa, alta Turribus. Frequentia niter nobilium Ædificiorum. Cives
cum suavissimis, tum elegantissimis sunt moribus: maximaque humanitate, erga exteros etiam præditi: quæ-
stui dediti & civilis vitæ muneribus. *Perusia* Ptol. *Perusum* Eutropio & Itinerariæ Tabulæ. Hodie *Berugia* *Pe-*
rusia. Colli insidet Apennini: natura loci permunita. Ædificia habet cum publica, tum priuata, valde nobilia,
ampla, excelsa. *Vuerbium* jacet specioso spaciofoque loco, jugis Cyminiis a tergo imminentibus; Lapide qua-
drato ædificata: Turribus plena. Inter operâ publicâ Fons est insignis, & maxima cum admiratione copiosus.
Vrbicarius illi Ager bonus & fertilis: Vino abundans & Frugibus. *Lacus* in Etruria visuntur non pauci. *Tra-*
jumenus Livio aliisque, *Trasimenus* Silio, hodie ab urbe vicina *Lago de Perugia*: *Aprilis Lacus* Antonino, hodie
Fangosa Palude; *Marinus* qui & *Salsus*, *Lago d' Orbitello*, vernacule *Lacus Vadimonis*: *Ciminus*: *Volsinienis*: *Sa-*
batus: *Palus Bientina*: *Ciana*. Fluvij scatet piscium optimorum fecundissimis, qui sunt *Laventia*, *Frigidus*, *An-*
ser, *Arvus*, *Cecinna*, *Cornia*, *Alma*, *Brunus*, *Vmbro*, *Osa*, *Albengia*, *Floris*, *Martha*, *Minio*, *Eris*, *Vacina*, *Sanguina-*
ria, *Aron*, & alii nonnulli. Habet & saluberrima Balnea, nobilissimas Thermas, aliasque Aquas mirabili præ-
ditas virtute. Montes hic sese offerunt cum alii, tum *Ciminus* Livio Vibioque notus: nec non *Virgilio*. *Soractes* *Montes*
Plin. *Monte de S. Silvestro* hodie. *Fesulanos Montes* habet etiam in Etruria *Orosius*: *Cortonenses* etiam ibidem sunt
ad Septentrionem *Trasimeni Lacus*. *Silvæ*, *Volsinienium Lucus*, *Silva Ciminia*, *Mæsia*. Academias habet *Pisis*, *Silva*.
Sena, & *Perusia*. Bibliothecas item varias, *Pisa* apud Dominicanos: *Luca* apud Franciscanos: In Vrbe Floren- *Academia*
tina VI: *Senæ* & *Perusiæ*. Etruscos porro gentem Italiæ, opulentissimam Armis, Iuribus, Pecunia esse aiunt *Bibliotheca*.
Livius & Diodorus. Ceremoniis maxime semper addictos fuisse, constat ex antiquis Scriptoribus, ut qui Sacri- *Mores*
ficia, Divinationes, Auguriaque primi Italorum invenerint, eaq; Romanis tradiderint, Tullio de Divinatione,
aliisque notantibus. Episcopatus Tusciæ hi commemorantur a Mercatore, *Nepefinus*, *Castellanensis*, *Montis Falco-*
nis, *Viterbiensis*, *Suavenis*, *Soano* opinor: *Castellanus*, *Vulteranus*, *Senensis* Archiep. *Fesulanus*, *Zarzanensis*, *Sutri*,
Ortanensis, *Cornetanensis*, *Tuscanensis*, *Clusinus*, *Aretinas*, *Pientinensis*, *Pontito* forte, *Pistoriensis*, *Binenis*, *Corthonen-*
sis, *Civitatis*, *Balneorigensis*, *Urbevetanus*, *Castrensis*, *Perusinus*, *Grossecanus*, *Lucanus*, *Florentinus*, Arch. *Lunensis*
Pisa Archiep. cui subsumt *Messanensis*, *Civitanensis* & reliqui Episcopatus in Corsica.